

Futbola

ZURI-GORRIEK IRABAZI EGIN BEHAR DUTE, ARNASA HARTU ETA KONFIANTZA BERRESKURATZEKO

Athleticek ezin du huts egin

Hiru puntuak eskuratzea du helburu gaur Athleticek Oviedoren aurkako partiduan. Juanjo Valencia izango da gaurko protagonista nagusia, titular izango baita ia bi urtez Ligan jokatu barik egon ondoren. Imazek ez du jokatu.

Ramon Basaldua / Bilbo

AZKEN asteetako bolada txarrari amaiera ematen saiatuko da gaur Athletic San Mamesen. Ez da ahaztu behar zuri-gorriek garaipen bakarra eskuratu dutela azken bederatzi partiduetan. Edozelan ere, Luis Fernandezek argi eta garbi utzi nahi izan du hiru puntuak lortzen ez badira ez litzatekeela ezer gertatuko. «Aspaldion ez dugu garaipenik lortu eta gaur eskuratzea gustatuko litzaidake. Irabazten ez badugu, ez da ezer gertatuko, jokalariek batzuk maila ona hartzen ari direla ikusten dudalako eta badakidalako jokalariek ondo erantzun dutela eta guztia emango dutela garaipena lortzeko», esan zuen Luis Fernandezek Lezaman.

Hamazazpi gizon deitu ditu entrenatzaileak gaurko partidurako. Imanol Etxeberria eta Andoni Imaz (zigortuta), eta Alkorta, Larraiz eta Jose Mari (min hartuta) izan ezik, Bolo eta Jorge Perez ere ez daude zerrendan. Aranzubia atezain gaztea eta Txomin Nagore dira nobedade nagusiak. Hasierako hamakakoari dagokionez, baliteke Fernandezek hiru zentral zelairatzea, Turinen eta Anoetan egin zuen legez. Atzo behintzat, sistema hori erabili zuen zuri-gorriek Lezaman jokatu zuten partidutxoan. Edozelan ere, frantziarra ezagututa ez da baztertu behar etxean ohikoa duen 4-2-3-lekoa zelairatzea. Horrela balitz, Ferreira edo Rios kendu eta Ezquerro sartuko litzateke hamakakoan.

Oviedo taldeari dagokionez, Fernando Vazquezek ezingo ditu Jaime eta Peter Dubosvsky zelairatu, lesionaturik daudelako biak. Oviedo taldeko entrenatzailearen aburuz, oso garrantzitsua izango da Athleticek eustea lehenengo minutuetan. «Horixe izango da gure helburua, golik ez

ATHLETIC		OVIEDO	
Entrenatzailea: Luis Fernandez Aulkian: Aranzubia, 19 Lasa, 16 Nagore, 22 Javi Gonzalez, 9 Ezquerro, 5 Felipe Etxean: Irabazi 2, Berdindu 1, Galdu 1, Golak alde 8, Golak kontra 5 Orokorrean: Postua 15, Puntuak 10		Entrenatzailea: Fernando Vazquez Aulkian: 25 Mora, 4 Moreno, 8 Fabio Pinto, 19 Ivan Ania, 22 Moller Kanpoan: Irabazi 0, Berdindu 2, Galdu 2, Golak alde 4, Golak kontra 9 Orokorrean: Postua 11, Puntuak 12	
AZKEN EMAITZAK 92-93 1-0, 94-95 1-1, 96-97 3-2, 93-94 1-1, 95-96 0-1, 97-98 3-0			



Luis Fernandezek ez zuen argitu Ferreira edo Rios aulkian utzi eta Ezquerro zelairatuko duen.

XOUSE SIMAL


◆ Aitor Larrazabal ◆ Athleticoko jokalaria

«Oviedori irabaziz gero, dena aldatuko da»

ATHLETICEKO zutabe nagusietako bat da. Aitor Larrazabalen ustez, zuri-gorriek zorte txarra izan dute azken partiduetan. Konfiantza du ekipoan, eta ziur dago gaur Oviedori irabaziz gero gauzak zeharo aldatuko direla.

■ Hamargarren jardunaldia baino ez da, eta dagoeneko derrigortuta zaudete garaipena lortzen.

Halaxe da. Hiru puntuak ezinbestekoak ditugu. Taldea ondo dago, eta ea zer gertatzen da. Partidu zaila izango da, baina garaipena eskuratzen saiatuko gara. Sailkapenean atzerantz bazoaz azkenean urduri jartzen zara eta hori saihesten saiatuko gara. Oviedoren aurkako partiduko hiru puntuak oso garrantzitsuak



XOUSE SIMAL

dira, eta San Mamesen geratu behar dira

■ Zer falta zaio ekipo honi emaitza onak lortzeko?

Xabi Eskurza Katedralean

• RAMON BASALDUA •

Xabi Eskurza Lezaman hasi eta hezitako gizona gaur Katedralean izango da Oviedo taldearekin. Barcelona, Valencia edo Mallorcarekin etorri denean gertatutakoa kontuan izanik, ziurrenik Trapagarango mutilak txistu zaparrada itzela jasoko du baloia ukitzen duen bakoitzean. Andoni Imazi Anoetako zaleek txistu askok txistu egingo diote gaur Xabi Eskurzari. Billabonakoak Real utzi eta Athleticera joatea erabaki zuen eta eskubide osoa du erabaki hori hartzeko. Duela lau urte, Xabi Eskurzak Athletic utzi eta Bartzelonara joatea erabaki zuen eta hurak ere eskubide osoa zuen. Luzea da Athleticetik beste talde batzuetara joan diren gizonen zerrenda. Beraz, koherentzia apur bat mesedez.

Partiduari dagokionez, zaila da esatea zein Oviedo ikusiko dugun gaur Katedralean. Barcelonari irabazi ziona edo Badajozen aurka porrot egin zuena. Edozein modutan, aurkaria alde batera utzita, Athletic da kezkatzen nauena. Zuri-gorriek Racing, Valencia edo Real Madriden aurka jokatu zuten moduan jokatzen badute, Fernando Vazquez taldeak jai izango du Katedralean. Aldiz, zuri-gorriek azkenaldi honetako partiduetako zenbait unetan erakutsi duten kontzentrazio falta gainditzeko ez badute, etxeko taldea larri ibiliko da garaipena eskuratzeko. Gaurko partiduetan garaipena da garrantzitsua. Ondo edo txarto jokatu arren, hiru puntuek Katedralean geratu behar dute. Bestela, urduritasuna etorriko da, eta adiskide gaiztoa da hori.



HONDARRIBIKO UDALA

ORDAINKETARAKO IRAGARKIA

1997ko IBILGAILUEN SARRERA.

1998ko TAXIAK.

1998ko BIDE PUBLIKOAK OKUPATZEA.

1998ko LEHIOETAKO SALMENTA.

Ordainketarako epea: 1998ko azaroaren 10etik 1998ko abenduaren 10era, biak barne.

Abenduaren 11tik aurrera dagokion errekargua ezarriko zaie.

Ordainketarako lekua: Kutxa, Euskadiko Kutxa, Banco Guipuzcoano, Banco Bilbao Vizcaya eta Banco Central Hispano.

ALKATEA: Borja Jauregi Fuertes